

# UNIVERZITET U TRAVNIKU

## UNIVERSITY OF TRAVNIK



Aleja Konzula br. 5  
72270 Travnik  
Bosna I Hercegovina  
+38730541062  
info@unt.ba  
www.unt.ba



Univerzitet u Travniku vas vodi u  
bolju budućnost!

Non scholae, sed vita discimus! - Ne učimo za školu, već za život!

## O UNIVERZITETU

Univerzitet u Travniku (UNT) je prvi univerzitet u Srednjobosanskom kantonu /Županiji Središnja Bosna. Osnovan je 2007. godine, a osnivači su afirmisani naučni radnici, privrednici i entuzijasti. Od svog početka primjenjuju se standardi Bolonjskog procesa. Od ugovornog odnosa, kakav je bio u početku osnivanja, u junu 2010. godine nastao je integrisani univerzitet sa slijedećim fakultetima:

1. Fakultet za menadžment i poslovnu ekonomiju u Travniku I Kiseljaku, :  
www.fmpe.ba , ul. Aleja konzula broj 5
2. Pravni fakultet u Kiseljaku i Travniku, : www.pfk.ba  
ul. Kraljice mira bb i Aleja konzula broj 5
3. Edukacijski fakultet u Travniku, www.eft.ba , ul. Aleja konzula br.5
4. Fakultet za tehničke studije, www.fts.ba, ul. Kraljice mira bb i Rauševac broj 2
5. Farmaceutsko-zdravstveni fakultet u Docu kod Travnika, www.zft.ba ,  
ul. Slavka Gavranica 17

Univerzitet i svi fakulteti u njegovom sastavu su smješteni u atraktivnim prostorima i uz vrhunsku tehničku opremljenost. UNT ima potpisane protokole o saradnji sa brojnim domaćim i svjetskim univerzitetima, a u toku je i zaključivanje novih. Obrazovni sistem je fleksibilan, a sistem ocjenjivanja i evaluacije kontinuiran, kako studenata, tako i profesora i asistenata.

Pored prvog, zastupljen je i drugi ciklus studija, a od akademske 2011/12 i III ciklus studija. Pored edukacijskog procesa, u UNT djeluje i Insitut i Centar za međunarodnu saradnju.



UNT izdaje časopis „Univerzitetska hronika“ u kojoj se obrađuju najnovija dostignuća tematskih oblasti koja se izučavaju na fakultetima. Svake godine se, u organizaciji UNT, održavaju međunarodne naučno-stručne konferencije, a svi fakulteti raspolažu bogatom bibliotečkom građom.

U okviru UNT nalaze se i razni kulturno-zabavni i sportsko-rekreacioni sadržaji.

Svoju strategiju i planove UNT je kopicirao u skladu sa savremenim dostignućima usmjerenim prema građanskom društvu, parlamentarnom pluralizmu i demokratiji, pravnoj državi i vladavini zakona, bolonjskom procesu, TQM, mobilnosti studenata i profesora, osposobljavanju vlastitog naučnog kadra, STALNOJ IZGRADNJI KARIJERE ISTRAŽIVAČA, obezbijedenju saradnje sa privredom, inoviranju znanja i cjeloživotnom učenju.

Svoju strategiju i planove UNT je kopicirao u skladu sa savremenim dostignućima usmjerenim prema građanskom društvu, parlamentarnom pluralizmu i demokratiji, pravnoj državi i vladavini zakona, bolonjskom procesu, TQM, mobilnosti studenata i profesora, osposobljavanju vlastitog naučnog kadra, STALNOJ IZGRADNJI KARIJERE ISTRAŽIVAČA, obezbijedenju saradnje sa privredom, inoviranju znanja i cjeloživotnom učenju.

Danas je UNT respektabilna naučna institucija koja okuplja oko 2600 studenata, te je prvi privatni Univerzitet u BiH po broju studenata, te oko 150 profesora i asistenata, a ovaj broj se stalno povećava. Raspolaže sa vlastitim atraktivnim i savremeno opremljenim prostorom.

Integriše funkcije svojih članica i osigurava njihovo jedinstveno i usklađeno djelovanje. Misija UNT je obrazovati studente da budu spremni na složene izazove u savremenom poslovnom svijetu služeći se iskustvima razvijenih univerziteta sa željom pomoći studentu, koji je u centru pažnje, kao i društvu u cjelini. UNT je zakonski registrovana institucija koja posluje po zakonima SBK i Feredacije BiH, a najveća nagrada za naš rad je povratna pohvalna informacija o uspjesima naših studenata.

**NAŠA JE DEVIZA: NAUKOM DO USPJEHA - PRIDRUŽITE NAM SE.**

## Fakultet za menadžment i poslovnu ekonomiju

Fakultet za menadžment i poslovnu ekonomiju je osnovan 2006. godine kao Fakultet za menadžment i turizam. Koncept studija je utemeljen na Bolonjskoj deklaraciji, po European Credit Transfer System (ECTS).

Misija Fakulteta za menadžment i poslovnu ekonomiju je stvaranje respektabilne obrazovne institucije, u kojoj će se uz učenje za „što viši procenat usvojenosti znanja, vještina i kompetencija“, a time i za ulazak u što višu klasu i uz odgovornosti svih sudionika nastavnog procesa, obrazovati kvalitetan stručni kadar u oblasti menadžmenta i poslovne ekonomije.

### Organizacija studija

#### Dodiplomski studij

##### Smjerovi

- Opći menadžment (3+2)
- Poslovna ekonomija (3+2, 4+1)
- Poslovna psihologija (3+2)
- Menadžment u bankarstvu i osiguranju (3+2)
- Poslovna informatika (3+2)
- Turizam i ugostiteljstvo (3+2)

Nakon završenog dodiplomskog studija, student stiče zvanje bachelor menadžmenta i poslovne ekonomije. Cijena školarine na dodiplomskom studiju za vanredne studente je 2 500,00 KM, dok je cijena školarine za redovne studente umanjena za 30% te iznosi 1 700,00 KM.

#### Postdiplomski studij

Postdiplomski/magistarski studij traje 1 (jednu) ili 2 (dvije) godine, nakon čega se stiče zvanje magistra menadžmenta i poslovne ekonomije sa naznakom uže naučne oblasti: opći menadžment, finansijski menadžment ili poslovna ekonomija.

Mogućnost upisa imaju kandidati sa diplomom stečenom na ekonomskom ili nekim drugim fakultetima društvenih nauka (uz polaganje odgovarajućeg dopunskog ispita), a koji su tokom studiranja stekli najmanje 240, odnosno 180 ECTS (prema modelu 4+1 ili 3+2). Cijena školarine na postdiplomskom studiju po principu 4+1 je 5 500,00 KM, dok je po principu 3+2 cijena školarine 7 000,00 KM.

#### Doktorski studij

Doktorski studij traje tri godine nakon čega se stiče zvanje doktora ekonomije sa naznakom uže naučne oblasti. Kandidati se mogu opredjeliti između tri smjera, a to su: Opći menadžment, Kvantitativna ekonomija i Poslovna ekonomija. Cijena školarine na doktorskom studiju iznosi 11 000,00 KM.



Svim studentima je omogućeno plaćanje školarine na rate. Način studiranja su: redovno i vanredno



### Organizacija nastave

Nastava je interaktivnog karaktera. Fakultet raspolaže savremeno opremljenim prostorom i učionicama koje zadovoljavaju standarde za izvođenje nastave, informatičkom salom koja je na usluzi studentima, čitaonicom i amfiteatom. Biblioteka koja se nalazi u sastavu Fakulteta opremljena je velikim brojem savremenih naslova iz stručne oblasti i općeg nivoa obrazovanja. Jedan od zadataka Fakulteta je da omogući studentima praksu, te zapošljavanje u toku i nakon studiranja. Predavanja izvode nastavnici sa akademskim stepenom doktora nauka, u zvanjima docenta, vanrednog i redovnog profesora. Na Fakultetu se povremeno angažuju stručnjaci iz privrede koji prenose praktična znanja i iskustva i na taj način omogućavaju studentima da se nakon završetka fakulteta osposobe za primjenu stečenog znanja u praksi.

### Osobnosti fakulteta

Od osnivanja pa do danas, Fakultet je organizovao tri međunarodna simpozija čiji je cilj bio afirmacija novog pristupa menadžmenta u turizmu. Radovi su objavljeni u časopisu „Univerzitetska hronika“. Fakultet je izadavač univerzitetskih udžbenika iz oblasti menadžmenta i organizacije, što je veliki doprinos razvoju visokog obrazovanja u Bosni i Hercegovini. Fakultet potiče i osigurava unutrašnju i vanjsku mobilnost studenata i nastavnika, racionalno korištenje ljudskih i materijalnih resursa, razvoj multidisciplinarnih istraživanja, inoviranje nastavnih planova i programa, te intenziviranje saradnje sa privredom i ukupnim okruženjem.

**Ono što izdvaja studije na Fakultetu za menadžment i poslovnu ekonomiju u odnosu na sve druge fakultete iz iste oblasti, upravo je sveobuhvatnost znanja koje se na njemu stiču.**

## Pravni fakultet

Pravni fakultet ima koncept studija utemeljen na Bolonjskoj deklaraciji, po European Credit Transfer System-u (ECTS).

### Organizacija Fakulteta

#### - DODIPLOMSKI STUDIJ

Smjerovi:

- OPĆE PRAVO (sistem 4+1), nakon čega student stiče zvanje bachelor općeg prava (sa ostvarenih 240 ECTS kredita)
- MEĐUNARODNO PRAVO I DIPLOMATIJA (sistem 4+1), nakon čega student stiče zvanje bachelor međunarodnog prava i diplomatije (sa ostvarenih 240 ECTS kredita)
- POSLOVNO PRAVO (sistem 3+2), nakon čega student stiče zvanje bachelor poslovnog prava (sa ostvarenih 180 ECTS kredita)
- JAVNA UPRAVA (sistem 3+2), nakon čega student stiče zvanje bachelor javne uprave (sa ostvarenih 180 ECTS kredita)

#### - POSTDIPLOMSKI (MASTER) STUDIJ

Postdiplomski studij traje jednu (1) ili dvije (2) godine, nakon čega se stiče akademska titula i naučno zvanje magistar prava sa naznakom uže naučne oblasti.

Uže naučne oblasti za koje se kandidati mogu opredijeliti su: javnopravna, građanskopravna, krivičnopravna, poslovnopravna, međunarodnopravna, historijskopravna, ekonomskopravna, teorijskopravna i komunitarnopravna grupa.

Mogućnost upisa imaju kandidati sa diplomom stečenom na pravnom ili drugim fakultetima društvenih nauka (uz polaganje odgovarajućih dopunskih ispita), a koji su tokom studiranja stekli najmanje 240, odnosno 180 ECTS kredita (prema sistemu studiranja 4+1 ili 3+2).

#### - DOKTORSKI STUDIJ

Po završetku postdiplomskog studija student ima mogućnost upisa doktorskog studija, koji traje 3 godine. Završetkom doktorskog studija stiče se akademska titula i naučno zvanje doktor nauka sa naznakom uže naučne oblasti.




### Organizacija nastave

Način studiranja na Fakultetu: redovno, vanredno, učenjem na daljinu, ili kombiniranjem ova tri načina studiranja zavisno od opredjeljenosti studenata.

Nastava je interaktivnog karaktera i izvodi se po najsavremenijim metodama. Fakultet okuplja ugledne domaće i inostrane profesore, a obezbijeđena je i maksimalna saradnja sa domaćim i inostranim univerzitetima.

Biblioteka Pravnog fakulteta ima preko 6.000 izvora literature. Studentima je omogućen pristup i najvećim elektronskim servisima, kao i pristup dvijema bazama podataka sa preko 100.000 izvora. Predavanja izvode nastavnici sa akademskim stepenom doktora nauka, u zvanjima redovnih i vanrednih profesora i docenata. To su profesori koji se bave pravom i u praksi. Mnogi od njih su tokom svog radnog iskustva bili vrhovne sudije, sudije ustavnog suda, cijenjeni advokati itd.



### Osobnosti fakulteta

Fakultet omogućava studentima praksu, te zapošljavanje u toku i nakon studiranja. Ono što izdvaja studije na našem Fakultetu u odnosu na sve druge pravne fakultete jeste upravo sveobuhvatnost znanja koje se na njemu stiče. Studenti imaju i praktični dio nastave. Organizuju se posjete državnim organima, prisustva na suđenjima, posjete kazneno-popravnim zavodima i sl. Nakon završenog školovanja na Pravnom fakultetu Univerziteta u Travniku studenti su potpuno osposobljeni da primjenjuju stečena znanja u svom daljem radu, jer se od samog osnivanja Fakultet vodi upravo idejom da studentima pruži znanje i pravničke vještine primjenjive u praksi odmah po završetku studija.

**Pravni fakultet Univerziteta u Travniku jamči kvalitetno obrazovanje kao i na vrhunskim fakultetima u razvijenim evropskim zemljama.**

**Non scholae, sed vitae discimus!  
Ne za školu, već za život učimo!**

## EDUKACIJSKI FAKULTET

Edukacijski fakultet osnovan je 2006. godine. Koncept studija i studijskih programa na fakultetu utemeljen je na Bolonjskoj deklaraciji i European Credit Transfer Systemu (ECTS). Interaktivna nastava, kvalitetan radni i učilišni prostor prilagođen potrebama studija, opremljenost najsavremenijom tehnikom za izvođenje nastave, stalna dostupnost nastavnika i saradnika te ažurnost u radu studentske službe samo su neke od prednosti Edukacijskoga fakulteta.

Organizacija studija

**-Dodiplomski studij:**

Smjerovi

- Opća kineziologija (sport i tjelesni odgoj) (4+1)
- Razredna nastava i BHS jezik i književnost (4+1)
- Pedagogija i psihologija (4+1)
- Matematika i informatika (4+1)
- Sportski menadžment (3+2)
- Specijalne namjene (vojska, policija, zaštitari) (3+2)



Nakon završenog dodiplomskog studija studenti stiču zvanje *bachelor* studijskog programa na kojem diplomiraju.

**-Postdiplomski studij:**

- Edukacijski menadžment;
- Opća kineziologija (sport i tjelesni odgoj);
- Specijalne namjene;
- Sport-trenerska;
- Sportski menadžment.



Postdiplomski studij traje jednu (I) odnosno dvije (II) godine, a zavisno od prethodno završenog studijskog ciklusa. Nakon završenog postdiplomskog studija studenti stiču zvanje *magistar* studijskog programa na kojem diplomiraju.

**-Doktorski studij:**

Nakon završenog postdiplomskog studija, studenti imaju mogućnost upisa doktorskog studija koji traje tri (III) godine.

Način studiranja: redovni i vanredni studij, učenje na daljinu ili kombiniranjem ova tri modela.

**Organizacija nastave**

Osnovna polazišta nastavnog plana i programa svih studijskih grupa poizilaze iz zah-tjeva za inoviranje po uzoru na srodne nastavne programe u Bosni i Hercegovini, susjedstvu i Evropi. S tim u vezi, nastavnim procesom na Edukacijskom fakultetu rukovode ugledni bosanskohercegovački i međunarodni nastavnici/profesori i akademski stručnjaci iz oblasti humanističkih, društvenih i prirodno-matematičkih nauka. Da bi takvo što ostalo trajna kategorija Edukacijski fakultet posebnu pažnju posvećuje akademskoj saradnji sa bosanskohercegovačkim i međunarodnim fakultetima. U kontekstu toga, Fakultet s ponosom ističe značajan broj sporazuma o saradnji sa bosanskohercegovački i međunarodnim visokoškolskim institucijama od kojih valja izdvojiti Sporazum o saradnji sa Fakultetom sporta i tjelesnog odgoja Univerziteta u Sarajevu, Sporazum o saradnji sa Sveučilištem u Zagrebu te Sporazum o saradnji sa Univerzitetom Ćirilo i Metodije u Skoplju.

**Osobnosti fakulteta**

Edukacijski fakultet danas je mjesto ne samo na kome se odvija i razvija nauka već i mjesto okupljanja studenata, mjesto na kome se promoviraju nove knjige i održavaju stručni i naučni skupovi, mjesto na kome se održavaju tribine i sportska takmičenja, mjesto na kome se polemise i razvijaju nove ideje.

**Odabir studija jedna je od ključnih odluka kojom ćete odrediti Vaš profesionalni, ali i životni put.**

**Pridružite nam se i studirajte u najkvalitetnijim uslovima.**



## FAKULTET ZA TEHNIČKE STUDIJE

Fakultet za tehničke studije prvobitno je osnovan 2007. godine, kao prvi i jedini Grafički fakultet u Bosni i Hercegovini. Cijeneći potrebe tržišta, u 2011. godini izvršena je promjena naziva Fakulteta i uvođenje novih studijskih smjerova. Koncept studija utemeljen je na Bolonjskoj deklaraciji, po European Credit Transfer System (ECTS).

Misija Fakulteta za tehničke studije ogleda se u doprinosu društvu razvojem i unapređenjem znanja kroz obrazovanje studenata, te provođenju naučnih i tehnoloških istraživanja u polju građevine, arhitekture, grafičkih tehnologija i inženjerske informatike, što ima za cilj stvaranje kompetentnih stručnjaka koji će etablirati Fakultet za tehničke studije kao poželjno mjesto studiranja u regionalnim, nacionalnim i europskim okvirima, što će doprinijeti ugledu Univerziteta u Travniku, šire i uže lokalne zajednice i cjelokupne akademske zajednice u Bosni i Hercegovini.

### Organizacija studija

- Diplomski studij

### Smjerovi

- Arhitektura (3+2);
- Građevina (3+2);
- Grafičko inženjerstvo i dizajn (3+2);
- Inženjerska informatika (3+2);



Student stiče zvanje bachelor/inženjer studijskog programa koji je student završio u trajanju od tri (III) godine, šest (VI) semestara, sa osvojenih 180 ECTS kredita.

### Smjerovi za dislociranu nastavu u Kiseljaku za treću (III) godinu studija

- Grafički dizajn (3+2);
- Grafičko inženjerstvo (3+2);
- Inženjerstvo multimedije (3+2);



### •Postdiplomski/master studij

Postdiplomski/master studij, u trajanju od dvije (II) godine od četiri (IV) semestra, vodi do zvanja magistar/diplomirani inženjer studijskog programa koji je student završio sa osvojenih 120 ECTS kredita.

Mogućnost upisa imaju kandidati sa diplomom stečenom na Fakultetu za tehničke studije ili nekim drugim fakultetima (uz polaganje odgovarajućih dopunskih ispita), a koji su tokom studija stekli najmanje 180 ECTS kredita.

### •Doktorski studij

Po završetku postdiplomskog studija student ima mogućnost upisa na doktorski studij koji traje tri (III) godine, šest (VI) semestara, sa osvojenih 180 ECTS kredita.

Naučno zvanje koje se stječe završetkom doktorskog studija doktor nauka za naučnu oblast iz koje je kandidat obranio doktorsku disertaciju.

Način studiranja: redovno, vanredno, učenjem na daljinu ili kombiniranjem ova tri načina studiranja zavisno od opredjeljenosti studenta.

### Organizacija nastave

Nastava je interaktivnog karaktera i izvodi se po najsavremenijim metodama. Fakultet okuplja ugledne domaće i inostrane profesore, a obezbijeđena je i maksimalna saradnja sa domaćim i inostranim univerzitetima. Kompletan program nastavnih aktivnosti iz stručnih kolegija realiziraju profesori iz Hrvatske, Srbije i Slovenije. Fakultet je za potrebe vježbi i sadržaja iz praktične nastave sklopio ugovore sa brojnim firmama, koje su kompetentne u oblastima studijskih programa koji se realiziraju na Fakultetu za tehničke studije.

### Osobnosti fakulteta

Fakultet studentima obezbjeđuje realizaciju nastave u savremeno opremljenim kabinetima, studentski on-line servis, on-line biblioteku, studentsku organizaciju, mobilnost i učešće na seminarima, simpozijima i edukacijama, mogućnost zapošljavanja toku i nakon završetka studija, mogućnost samostalnog rada i angažovanja kroz ličnu kreativnost. Fakultet je razvio poseban plan za stvaranje vlastitog stručnog kadra u oblastima koje su zastupljene u studijskim programima u koji su već uključeni najuspješniji pojedinci iz svake generacije studenata.

**Kolektiv Fakulteta za tehničke studije garantuje kvalitetno i vrhunsko obrazovanje, brigu i posvećenost studentima na njihovom putu do univerzitetske diplome i akademskog zvanja.**

## FARMACEUTSKO - ZDRAVSTVENI FAKULTET

Farmaceutsko-zdravstveni fakultet je počeo sa radom 2009. godine. Koncept studija je utemeljen na Bolonjskoj deklaraciji, po European Credit Transfer System (ECTS).

Misija Farmaceutsko-zdravstvenog fakulteta usmjerena je na edukaciju budućih medicinskih radnika, nastavnika i znanstvenika, zatim na poticanje znanstvenih istraživanja, kao i sprovođenje istraživanja, sa težnjom ka izvrsnosti u obrazovanju i istraživanju iz područja farmacije, stomatologije, radiologije, sestrinstva i zdravstva općenito, a temelji se na savremenim postupcima podučavanja, humanosti i strogim etičkim načelima.

### Organizacija studija

#### •Dodiplomski studij – I ciklus

Smjerovi:

- Farmacija (3+2) i (5+0)
- Stomatologija (5+0)
- Radiologija (3+2)
- Opće medicinsko sestrinstvo (3+2)

Student stiče zvanje bachelor radiologij, bachelor farmacije i bachelor medicinskog sestrinstva sa osvojenih 180 ECTS kredita, a pri integralnom (5+0) studiju student stiče zvanje doktor stomatologije i magistar farmacije sa osvojenih 300 ECTS kredita.

#### •Postdiplomski/magistarski/master studij-II ciklus

Postdiplomski/magistarski studij, u trajanju od četiri semestra, vodi do zvanja magistra farmacije odabrane uže oblasti sa osvojenih 120 ECTS kredita.

Uže naučne oblasti: apotekar, analitičar i tehnolog. Mogućnost upisa imaju kandidati sa diplomom stečenom na farmaceutskom ili medicinskom fakultetu, ili sa nekim drugim fakultetima (uz polaganje određene razlike ispita), a koji su tokom studiranja stekli najmanje 180 ECTS kredita (3+2).

#### •Doktorski studij- III ciklus

Po završetku postdiplomskog studija student ima mogućnost upisa dokorskog studija.



Način studiranja: redovno, vanredno, učenjem na daljinu, ili kombiniranjem ova tri načina studiranja zavisno od opredjeljenosti studenata.

### Organizacija nastave

Nastava Farmaceutsko-zdravstvenog fakulteta je interaktivnog karaktera i izvode je profesori sa akademskim stepenom doktora nauka, u zvanjima redovnih i vanrednih profesora te docenata. Predavanja i vježbe se održavaju u moderno opremljenoj zgradi fakulteta. Obezbijedena je i praktična nastava, kao i stručna praksa u privatnim i državnim bolnicama, apotekama, te eminentnim farmaceutskim firmama kako bi naši diplomirani stručnjaci bili potpuno obučeni za rad i primjenu stečenih znanja u svojoj profesiji odmah po završetku studija.



### Osobnosti fakulteta

Fakultet posjeduje savremene učionice, informatički kabinet, laboratorije opremljene za moderno (up-to-date) učenje i istraživanje, jedinu magnetnu rezonancu na prostoru Srednje Bosne i druge najsavremenije radiološke aparate kao što su: CT (Kompjuterizovana tomografija), osteodenzitometar, mamograf, ultrazvuk, te modele ljudskog tijela i lutke za reanimaciju, koje se koriste u svakodnevnoj nastavi i vježbama. Nakon završetka studija Farmaceutsko-zdravstvenog fakulteta, najboljem studentu nudimo zaposlenje na Farmaceutsko-zdravstvenom fakultetu, a drugim diplomiranim stručnjacima našeg fakulteta

**Kvalitetna edukacija na jednom od vodećih farmaceutsko-zdravstvenih fakulteta garant je uspjeha i sistemski potiče buduće i sadašnje medicinske radnike na cjeloživotno obrazovanje i na stvaranje i primjenu medicine temeljene na dokazima.**



Na univerzitetu u Travniku održano prvo Savjetovanje o reformi visokog obrazovanja i implementaciji Bolonjskog procesa

U organizaciji Univerziteta u Travniku 27.01.2011. godine održano je Savjetovanje o reformi visokog obrazovanja i implementaciji Bolonjskog procesa. Savjetovanju su pored Rektora, prorektora, dekana i profesora Univerziteta u Travniku prisustvovali predstavnici Vlade SBK, Ministarstva obrazovanja, nauke, kulture i sporta SBK, Općine Travnik, predstavnici Agencije za razvoj visokog obrazovanja i osiguranja kvaliteta i predstavnici studenata.

Cilj Savjetovanja bio je da se nastavnom id rugom osoblju, a naročito studentima, predstave aktivnosti na kojima Univerzitet u Travniku kontinuirano radi, a to su prije svega: implementacija bolonjskog procesa, osiguranje kvaliteta nastave, kadra, prostora za izvođenje nastave.

Posebna pažnja je poklonjena prezentaciji naučno -istraživačkog rada na Univerzitetu, te je istaknuta kako se Univerzitetski časopisi "Sport science", međunarodni znanstveni časopis iz područja kineziologije" i "Univerzitetska hronika" već nalaze u značajnim svjetskim bazama.

U izlaganjima naročito je istaknut značaj formiranih tijela za osiguranje kvaliteta visokog obrazovanja na Univerzitetu u Travniku što je prisutne predstavnike nadležnih institucija dovelo do zaključka da se Univerzitet, kada je riječ o ispunjavanju kriterija za predstojeću eksternu ocjenu kvaliteta i akreditaciju, nalazi na zavidnom nivou.

Imajući u vidu uspješnost organizacije i realizacije ovog Savjetovanja, kojoj su u velikoj mjeri doprinijeli studneti svojim aktivnim učešćem, Univerzitet u Travniku je u plan godišnjih aktivnosti uvrstio brojne slične skupove s ciljem afirmacije Univerziteta i predstavljanja javnosti dostignutih rezultata kada je u pitanju osiguranje kvaliteta.



**FAKULTET ZA MENADŽMENT  
I POSLOVNU EKONOMIJU**  
Aleja konzula br. 5  
72270 Travnik  
Bosna I Hercegovina  
Telefon: +38730541061  
E-mail: rasim.dacic@fmt.ba  
Web: www.fmt.ba



**PRAVNI FAKULTET**  
Josipa Bana Jelačića bb  
72270 Travnik  
Bosna I Hercegovina  
Telefon: +38730877328  
E-mail: studentska@pfk.ba  
Web: www.pfk.edu.ba



**EDUKACIJSKI FAKULTET**  
Aleja konzula br. 5  
72270 Travnik  
Bosna I Hercegovina  
Telefon: +38730540876  
E-mail: info@eft.ba  
Web: www.eft.ba



**FAKULTET ZA TEHNIČKE  
STUDIJE**  
Aleja konzula br. 5  
Bosna I Hercegovina  
Telefon: +38730540876  
E-mail: info@fts.ba  
Web: www.fts.ba



**UNIVERZITET U TRAVNIKU**  
Aleja konzula br. 5  
72270 Travnik  
Bosna I Hercegovina  
Telefon: +38730541062  
E-mail: info@unt.ba  
Web: www.unt.ba



**ZDRAVSTVENI FAKULTET**  
Slavka Gavrančića 17c  
72270 Travnik  
Bosna I Hercegovina  
Telefon: +38730515770  
E-mail: info@zfz.ba  
Web: www.zfz.ba

**Odabir studija jedna je od ključnih odluka kojom ćete odrediti vaš profesionalni, ali i životni put, stoga, dođite na Univerzitet u Travniku i informirajte se.**